

光緒順天府志

人物志十五

光緒順天府志一百五

雜人下

黃岡洪良品纂江陰繆奎孫覆輯

宋

趙安易

劉審瓊

劉廷讓

楊崇勳

劉重進

遼

趙徽

楊遵助

耶律儼

金

韓常

劉箬

劉樞

馬諷

王蔚

孫卽康

劉頰

完顏霆

李蹊

宋珪

元

王實喇

明

楊善

張敏

殷謙

周壽

子玟 弟吉 弟祥

鄧瑋

施純

張禴

史道

趙錦

李偉

子文全 文貴 文進 文

冉興讓

梁邦 瑞

方從哲

馮三元

張維

孫隆 金忠

李壽

國朝

馬光遠

馮鈗

孫承澤

劉餘祐

宋

趙安易字季和普弟初為府州錄事參軍遷河南推官折德展言

其清宋史附會普居相位十年不赴調宋史列傳太平興國中拜監察

御史知興元府轉殿中侍御史賜緋魚袋宏簡錄先是兩川民輸稅

者以鐵錢易銅錢宋史列傳鐵錢十納銅錢一時銅錢已竭民甚苦之

商賈爭以銅錢入川界與民互市銅錢一得鐵錢十四物價滋長

鐵錢彌賤宋食貨志安易言其非便請許納鐵錢詔從之九年起拜宗

正少卿知定州會以曹璨知州徙安易為通判未幾代歸又表外

任命知耀州留不遣命按視北邊事宋史列傳淳化二年安易言嘗使

蜀見所用鐵錢至輕市羅一匹為錢二萬堅請改鑄一當十大錢

御書錢式造詣川陝路諸州冶鑄所在並為御書錢監諸州舊貯

小鐵錢悉輦送官民間小錢許送監計數給以大錢若改鑄未集

許民大小兼用宋食貨志下都省集議宋史列傳眾皆以為不便宋食貨志而安

易論請不已仍募工鑄大錢百餘進之極其精好俄墜殿階皆碎

太宗不之詰猶嘉其用心賜以金紫且遣其典鑄既而大有虧耗

宋史列傳一歲纔成三千餘貫宋食貨志眾議喧然宋史列傳遂罷冶鑄五年安

易復請不許宋食貨志厯知襄廬二州遷宗正卿時屬籍未備奏請纂

錄命與梁周翰同修宏簡錄安易略涉書傳性强狠好談世務而疏

濶不可用初太祖嘗問農政安易請復井田之制又以其家本燕

薊多訪以邊事景德初宋史列傳詐定明德皇太后立主升祔與判院

孫何議論往復宏簡錄何等上言安易荒唐庸昧妄有援引以大功

之親比三年之制欺罔君上乃至於斯况安易以訐直自負所詆

者無非良善以清要自高所向者無非鄙俗名宦之志老而益堅

詩書之文惜而不習本院所議並明稱典故旁考時宜雖曰從權

粗亦稽古請依元議施行從之安易又屢言陵廟事詞多鄙俚宋史

列傳晚歲進趨不已時論嗤之卒年七十六子承度國子博士孫從

政奉禮郎宏簡錄案宋史作太常寺奉禮郎

劉審瓊涿州范陽人家素貧漢乾祐中宋史劉審瓊傳湘陰公贊為徐州

節度使舊五代史湘陰公贊傳審瓊始隸帳下周祖受命遁去依承興軍節

度使劉詞頗委任之詞卒屬太祖節鎮給事左右及受周禪補殿

直從平澤潞改供奉官開寶中累遷至軍器庫使宋史列傳樞密使李

崇矩與宰相趙普厚相交結有鄭仲者客崇矩門下崇矩知其險

詖無行待之漸薄仲怨恨擊登聞鼓告崇矩受太原人席義叟黃

金私託翰林學士扈蒙與義叟甲科續資治通鑑四引審瓊為證宋史列傳帝

大怒召審瓊詰問審瓊具言其誣帝怒稍解續資治通鑑遂出知鎮州

宋史大平興國四年續資治通鑑按宋史作七年攷太宗征河東係四年事今依資治通鑑稽古錄改正

正月庚寅詔先遣潘美將兵伐河東三月庚辰朔至真定稽古註

蹕月餘審瓊儲侍無闕遷領檀州刺史知潭州州素多火日調民

積水為防民甚勞之審瓊至悉罷之以為民便宋史列傳徙知河陽遷

坊州刺史涿州吳志年八十餘筋力不衰鬚髮黧黑至道三年卒於官

宋史列傳

劉廷讓字光父其先涿州范陽人宋史列傳滄州節度守文之孫一統

案宋史本紀太祖伐蜀有劉光義太祖拒邀有劉廷讓又考列傳

劉廷讓本名光義後避太宗諱更名因即以原名為字而改義從

又史特未之詳耳薛應旂以父廷進避守光之亂與廷讓皆南奔

廷讓少有膂力隸周祖帳下宏簡錄百廣順初補內殿直押班累

遷龍捷都校從世宗征淮南以功領雷州刺史再遷洪州副練使

領鐵騎右廂宋初轉江州防禦使領龍捷右廂從征李筠為行營

先鋒使宋史列傳建隆二年改侍衛馬軍都指揮領江甯軍節度使宏簡

乾德二年興師伐蜀命王全斌為西州行營都部署廷讓副之

案原作光義今改將步騎六萬分道伐蜀廷讓及彬等由歸州進通鑑輯覽七十

二入境連破松木三會巫山等砦獲蜀將南光海擒戰權指揮袁

德宏奪戰艦三百餘艘俘水軍三千人因渡南岸復斬首三千餘

級宏簡錄初夔州有鎖江為浮梁上設敵棚三重夾江列礮具廷讓

等行帝示以地圖指鎖江曰我軍泝流至此慎勿以舟師爭勝當

先以步騎陸行襲擊之俟其勢却即以戰權夾攻取之必矣及師

至夔距鎖江三十里舍舟步進先奪浮梁復牽舟而上宋史紀事本末守

將高彥俦宋史列傳謂監軍武守謙曰北軍涉遠而來利在速戰不如

堅壁以待之彥俦力戰不勝自焚死後數日廷讓得其骨於灰燼

中以禮葬之宋史紀事本末遂進克萬施開忠四州峽中郡縣悉下次遂

州守將陳愈率吏民來降遵命出府庫金帛以犒將士宏簡錄初出

師太祖命之曰所得郡縣當傾帑藏爲朕賞戰士國家所收唯土

疆爾故人皆効命所至成功蜀平王全斌等皆坐縱部下掠奪子

女玉帛及納賄賂左降惟廷讓秋毫無犯及全師雄作亂宋史郡

縣爭應崔彥進高彥暉等爲師雄所敗通鑑廷讓又與曹彬破之

以功改領鎮安軍節度宋史列傳征太原拜鎮甯軍節度使太宗召爲

右驍衛上將軍北征失律罷節鎮居環列既而契丹擾邊議遣將

因擢知雄州徙瀛州爲兵馬都部署宏簡是冬契丹數萬騎來侵

廷讓與戰君子館時天大寒兵士弓弩皆不能發契丹圍廷讓數

重宋史列傳初廷讓分精兵屬李繼隆爲後殿令緩急相援及是繼隆

退保樂壽廷讓一軍皆沒僅以數騎獲免詣闕待罪上知爲繼隆

所誤不之責復命知雄州有疾求歸京師不俟報遽離屯所帝怒

下臺按問削秩配隸商州遂怏怏不食終于華州年五十九宏簡錄

帝錄其舊勳贈太師

宋史列傳

楊崇勳字寶臣薊州人

業東都事略五十作蘇州人而宋史宏簡錄薊州志皆作薊州人今從之

祖守

斌事太祖為龍捷指揮使父全美事太宗為殿前指揮使

宋史列傳崇

勳初蔭為東西班承旨事真宗於東宮

宏簡錄百二十八

真宗為開封尹

呼通衢中鐵盤寺一著者令張耆夏守斌及崇勳左右數輩揣聽

聲骨因以為娛

玉壺清話六

帝嘗曰聞若嗜學吾授若書崇勳自是稍

通兵法及前代廢興之事

宋史列傳

真宗即位授左侍禁

東都事略五十

西頭

供奉官寄班祗候

宏簡錄

雷有終討王均

宋史列傳

斬其首獲僭偽法物

旌旗甲馬甚眾擒其黨六十餘人賊既平遣崇勳乘傳告捷賜崇

勳錦袍銀帶器幣

宋史雷有終傳

推內殿崇班累遷西上閤門使羣牧都

監改副使以左衛大將軍恩州刺史為樞密都承旨尋提舉樞密

諸房通進銀臺司事

宋史列傳

未幾領英州防禦使

宏簡錄

寇準罷相真

宗寢疾仁宗在東宮

東都事略

宦者周懷政東宮官也陰謀奉帝為太

上皇而傳位太子殺丁謂而復相準崇勳以其謀告謂謂即微服

夜乘轎車挾崇勳詣曹利用議明日以聞

通鑑輯覽

遂誅懷政擢崇勳

鄧州觀察使辭不拜以內客省使桂州觀察使兼羣牧使屬天下

久罷兵有言鬻廐馬者崇勳曰馬者兵之用而戰之備也雖無事

其可去耶議遂格

東都事略

仁宗即位厯馬軍副都指揮使殿前都指

揮使振武軍節度使拜宣徽南院兼樞密副使宮中火為修葺副

使

宋史列傳

嘗詣中書白事而崇勳穿泥鞞登政事堂宰相王曾劾其

失詔送宣徽院問狀翼日曾請傳詔釋其罪章獻后問其故曾曰

崇勳武臣不知朝廷之儀舉奏者宰相所以振紀綱寬釋者人君

所以示恩德如此則仁愛歸於上而威令肅於下矣

東都事略

章獻與

仁宗言先帝最稱崇勳質信可任大事乃進樞密使

宋史列傳

坐上章

懿后册邀宰相張士遜過園亭飲酒中丞范諷劾罷以同平章事

領節河陽三城判許州改陳州宏簡錄崇勳性貪鄙在藩鎮日嘗役

兵工作木偶戲人塗以丹白舟載繫於京師宋史列傳喜中傷人每對

上輒肆言中外事人以是畏之宏簡錄既加使相而論者以為寵太

過周懷政之弟懷信訟崇勳誣其兄乃罷平章事知壽州東都事略契

丹將渝盟朝廷選將備邊復拜同平章事判定州以老不任事徙

成德軍又徙鄭州宏簡錄坐其子宗誨納賕枉法以左衛上將軍致

仕改太子太保卒宋史列傳年七十贈太尉有司諡曰恭密詔更為恭

毅崇勳口給狡桀而於御軍頗有法東都事略

劉重進幽州人本名曩僧梁末隸軍籍善譯語無他才能值契丹

入中原宋史列傳晉主事契丹甚謹奉表稱臣吉凶慶弔歲時贈遺玩

好珍異相繼於道通鑑二百八十四重進以習契丹語應募使北邊改右

班殿直因賜是名遷西頭供奉官再使契丹契丹主以其敏慧留

為帳前通事宋史列傳契丹滅晉新五代史署重進忠武軍節度漢初

移鎮鄧州漢法禁牛革甚嚴州民崔彥陳寶選八人自本鎮持革

詣漢祖廟鞞鼓重進杖遣之判官史在德謂重進不善用法宜置

極典及大理刑部詳覆重進所斷為是在德坐故入杖死之乾祐

末罷鎮來朝宋史列傳漢主聞郭威舉兵南向議發兵拒之聞郭威已

至河上復遣重進帥禁軍與侯益等會屯赤岡通鑑二百八十五威至封

即人情洶懼稍稍降於北軍重進潛往見郭威威各遣還營通鑑紀事

本末周廣順初從征兗州宋史列傳設長岡慕容彥超屢出戰皆擊敗之

通鑑紀事本末封薛國公俄召為右神武統軍累加檢校太師世宗南征

為右廂排陣使顯德三年宋史列傳帝詢知揚州無備通鑑二百八十六遣韓

令坤與重進宋史列傳將兵襲之通鑑二百八十六以數騎馳入城城中不之

覽

通鑑紀事本末

又為先鋒都部署

宋史列傳

攻唐秦州拔之刺史方訥奔金

陵

通鑑紀事本末

初楊行密子孫居海陵號永甯宮周師渡淮盡為李景

所殺重進入其家得玉硯玉杯盤水晶盞碼碯椀翡翠瓶以獻俄

命判廬州行府事兼行營都部署敗淮人千餘於州境及世宗再

巡

宋史列傳

渡淮抵壽春城下軍於紫金山南擊唐先鋒寨及山北一

寨皆破之

通鑑二百八十七

重進殺三千餘眾

宋史列傳

由是唐兵首尾不能

相救

通鑑二百八十七

及下壽州以功授武勝軍節度使淮南平改鎮邠

州世宗北征為先鋒都指揮使關南既復宴諸將於行宮議取幽

州諸將以為虜騎皆聚幽州之北未宜深入上不悅是日趣重進

先發據固安宋初封燕國公建隆二年授右羽林統軍乾德五年

改左領軍衛上將軍嘗從幸玉津園太祖召與語既退謂左右曰

觀重進應對不逮常人前朝以為將帥何足重耶六年卒年七十

宋史
列傳

遼

趙徽南京人

遼史列傳

重熙五年與宗親試進士賦以日射三十六熊

為題賜徽及第授右補闕累遷大理正

宏簡錄二百十

清甯二年銅州人

妄毀三教徽按鞠之以狀聞稱旨慝煩劇有能名累遷翰林學士

承旨咸雍初為度支使三年拜參知政事出為武定軍節度使及

代軍民請留

遼史列傳

太康元年由樞密院同知進南府宰相兼門下

侍郎平章事二年致仕卒追贈中書令諡文憲

宏簡錄

楊遵勛字益誠涿州范陽人重熙十九年登進士第調儒州軍事

判官累遷樞密院副承旨咸雍三年為宋國賀正使還遷都承旨

遼史列傳簿書叢委遵勛一目五行俱下剖決如流敷奏詳敏上嘉之

奉詔徵戶部通錢得四十餘萬緡拜樞密直學士改樞密副使

宏簡錄

錄百太康初參知政事徙知樞密院事兼門下侍郎平章事拜南

府宰相耶律伊遜原作乙辛誣太子詔遵助與推克原作燕哥案其事遵助

不敢正言時議短之尋拜北府宰相道史列傳大安中暴卒年五十六

贈守司空謚康懿子晦終昭文館學士宏簡錄

耶律儼字若思析津人本姓李氏父仲信重熙中始仕清密初同

知南院宣徽使事四年城鴨子混同二水閒拜北院宣徽使咸雍

初坐誤奏事出為榆州刺史俄詔復舊職遷漢人行宮都部署道史

列賜姓耶律封韓國公九年改南院樞密使宏簡錄二百十時樞臣伊遜

原作乙辛等道史列傳以事誣皇后皇后既死伊遜不日安又欲害太子道史

傳奏臣詔與仲信同鞠蔓引無辜未嘗雪正遂得薦拔拜廣德軍節

度使尋卒諡欽惠宏簡錄儼儀觀秀整好學有詩名登咸雍進士第

守著作佐郎補中書省令史以勤敏稱太康初歷都部署判官將

作少監後兩府奏事論羣臣優劣唯稱儼才俊改少府少監知大

理正賜紫六年遷大理少卿奏讞詳平明年升大理卿丁父憂奪

服同僉部署司事通史列傳大安初為景州刺史繩胥徒禁豪猾善政

流播郡人刻石頌德畿輔唐志七十一二年改御史中丞詔案上京滯獄

多所平反擢宣徽院事仍提點大理寺六年冬改山西路都轉運

使剗剔垢弊奏定課額益州縣俸給事皆施行壽隆初以母憂去

召復舊職宋攻夏李乾順遣使求和解帝命儼如宋平之遣拜參

知政事六年駕幸鴛鴦濼召至內殿訪以政事道宗晚年倦勤用

人不能自擇令各擲骰子以采勝者官之宏簡錄儼嘗得勝采上曰

上相之徵也遷知樞密院事賜經邦佐運功臣封越國公修皇朝

寶錄七十卷帝大漸儼與北院樞密使阿蘇原作阿思同受顧命乾統

三年徙封秦國六年封漆水郡王天慶中以疾命乘小車入朝疾

三年徙封秦國六年封漆水郡王天慶中以疾命乘小車入朝疾

甚遣太醫視之苑贈尙父諡曰忠毅

遼史列傳

儼為人性素廉潔一介

不取於人經籍一覽成誦然專務逢迎善伺人主意固結上心他

勿恤也

宏簡錄

妻邢氏有美色嘗出入禁中儼教之曰慎勿失上意

由是權寵益固

遼史列傳

人以其薄之從子處溫

宏簡錄

自有傳

金

韓常字元吉燕山人也父慶和在遼為統軍太祖入燕常隨父降

俱受千戶慶和入侵江南累戰有功後授副統屯真定正授雄州

觀察使

大金國志列傳

常善射以挽強見稱射必入鐵

大金國志列傳

守慶源見

小民有衣犢鼻者亦責以漢服斬之

大金國志本紀五

宗弼渡江常為先

鋒至湖南與向子諲戰子諲不能敵攻圍八日城破宗弼自江黃

南渡令常竟趨衢信以為援兵宗弼攻明州常以兵從與張俊戰

于高橋俊遁宗弼自江南歸論功仍陞為萬戶都統屯河中府未

幾隨之陝西大金國志列傳與張浚戰于富平宗弼陷重圍中流矢中常

目怒拔去其矢血淋漓以土塞創躍馬奮呼搏戰遂解圍金史宗弼傳

以此受知於宗弼首尾陝西凡數年必隨從其後順昌之戰常在

白龍洲渦下寨距城三十里宋劉錡以千餘騎擊之眾頗死傷宗

弼既敗大金國志列傳至陳州數諸將之罪自常以下皆鞭之于是復以

常守許州大金國志本紀十一案列方宗弼未南征之先常為

濬州守一日與其判官宮茵論南北兵戰之事茵曰此非南之所

能敵蓋諛之也常曰不然今昔事異昔我強彼弱今我弱彼強所

幸者南人未知北間事耳至順昌之敗其言果驗大金國志列傳

劉善大興宛平人彥宗次子幼時以廕隸閣門不就去從學迄未

調兵而善在選中遼兵敗左右多散亡乃選善為扈從授左承制

遼主西奔蕭妃攝政賜善進士第授尚書左司員外郎寄班閣門

天輔七年太祖取燕管從其父兄出降遷尙書左司郎中金史列傳至

殿中少監太祖崩宋夏遣使弔慰凡館見禮儀皆管詳定遷衛尉

少卿西上闕門使仍從事元帥府得便宜從事凡約束廢置及四

方號令多從經畫焉天會二年遷太常少卿東上闕門使宏簡錄二百二

十從宗翰伐宋圍太原遷衛尉卿權簽宣徽院事四年授左諫議

大夫秋復南征權中書省樞密院事金史列傳父憂起復直樞密院加

給事中七年為禮部侍郎十年改彰信軍節度使天眷二年轉左

宣徽使熙宗幸燕法駕儀仗討論為多宏簡錄皇統二年三月遣管

以袞冕圭册册宋康王為帝金史熙宗紀案列傳既至臨安而

宋人勝其居曰行宮管曰未受命而名行宮非也請去勝而後行

禮金史列傳宋人欲結以厚賄不願五年為行臺右丞相兼判左宣徽

事留京師宏簡錄或請釐革河南官吏之濫雜者管曰廢齊用兵江

表求一切近效其所用人不必皆以章程故有不由科目而為大

吏不試弓馬而握兵柄者今撫定未久姑收人心奈何為是紛更

也遂仍其舊七年帥府議於館陶築三城金史州傳有警即令北軍入

居之答曰今天下一家孰為南北設或有變軍人入城獨能安無

恙耶惟當嚴示武備以察奸宄無徒分別彼此之間時秦人在夏

國者數千皆願來歸諸將約以河外三州賜之宏簡錄答曰三小州

不足為輕重恐失朝廷大信且秦人之在蜀者倍多於此何獨捨

彼而取此乎遂從答議陝西邊帥請完沿邊城郭以備南寇答曰

我利車騎而不利城守今城之則勞民而結怨况盟已定豈可妄

動遂罷之九年八月金史列傳以答為司空行臺右丞相如故金史宗紀

九月拜平章政事封吳國公天德元年改封滕王二年拜右丞相

兼中書令進封鄭王宏簡錄以疾求解政務授燕京留守進封曹王

苦自為宣徽使以能得悼后意致位宰相海陵即位意頗鄙之史金

列傳居數月乞致仕詔曰不為暗於臨事不為諂於事君未許告歸

姑從解職苦因是慚懼卒宏簡錄年五十八金史列傳

劉樞字居中通州三河人少以良家子從軍屯河間同輩皆騎射

樞獨刻意經史金史列傳天眷二年成進士仕唐山縣主簿轉飛狐令

時蔚州刺史恃功貪汙三河陳志無所顧忌屬邑皆厭苦之樞一無所

應乃摠以他事繫獄將致之死金史列傳會廉察使至得直抵刺史并

卒以下罪宏簡錄二百三十六獨樞錄治狀入優等職遷奉直大夫金史列傳張

浩營建燕京宮室選樞分治工役遷刑部員外郎鞫治太原尹圖

克坦額略楚克原作徒單阿里虎出反狀旬日獄具轉工部郎中宏簡錄進本

部侍郎正隆末從軍還自江上大定初出為西京路轉運使事初

世宗欲復用樞等御史臺奏樞等在正隆時皆以巧進敗法蠹政

人多怨嫉之上以樞等頗幹濟猶用之戒之曰能悛心改過必加
升擢不然則斥汝等矣是時珠勒根彥忠為南京轉運不閑吏事
故用樞以佐之遷山東路轉運使金史列傳又轉中都路轉運使大定
四年卒於官陳志

馬諷字良弼大興灤陰人一統志隨燕入宋游學汴梁登宣和六年

進士宗翰克汴京諷來歸宏簡錄二百三十七皇統初復登進士一統志調蔚

州廣靈丞遷雄州歸信令境有河曰入尺口每秋潦漲溢害民田

諷視地高下疏決之其患遂息召為尙書省令史除獻州刺史天

德初改甯州民有告謀不軌者株連數十百人諷察其無狀乃究

問告者告者具伏其誣眾歡呼感泣再遷南京副留守入為大理

少卿是時高禎為御史大夫金史列傳久在臺彈劾無所避每對必以

區別流品進善退惡為言當路者忌之金史高禎傳乃以諷及張忠輔

爲中丞

金史列傳

二人皆險詖深刻欲令以事中禎

金史高禎傳

與禎不能

絲髮相假借禎畏其害已因訴於海陵海陵以禎太祖舊臣每慰

安之諷改大理卿歲餘出爲順天軍節度使大定二年復爲大理

卿遷刑部尙書改忠順軍節度使致仕卒

金史列傳

王蔚字叔文香河人

一統志

登皇統二年進士第

金史列傳

性通敏曉析

吏事調良鄉丞治績優等

宏簡錄二百三十六

補尙書省令史知管差除尋

授都事以喪去起復行左司員外郎遷郎中

金史列傳

世宗卽位御史

劾奏蔚與工部侍郎劉樞右司員外郎王全在正隆時皆以巧進

敗法蠹政人多怨疾

宏簡錄

大定二年起受河東北路轉運使上猶

欲用使諭旨曰汝在海陵時行事多不法然朕素知爾才幹欲授

以內除而憲臺有言以是補外如能澡心易行必當升擢否則勿

望再用旣而廉察爲第一授中都路都轉運使

金史列傳

入爲吏部尙

書以斷護衛出職事不當奪官一階復出知河中府事遷南京留

守宏簡錄十五年拜參知政事蔚懇辭不任負荷勅諭之曰卿但履

正奉公無或阿順何以辭為十六年出知真定府事累轉知河中

府明昌元年召拜尚書右丞致仕卒金史列傳

孫卽康字安伯先世滄州當石晉末占籍析津卽康登大定十年

進士累除尚書省令史章宗為相識之卽位遷戶部員外郎宏簡錄二

百二十八明昌三年同鹽司官議軍民犯私鹽三百里內者鹽司按罪

違者付提點所皆徵捕獲之賞於販造者明安穆昆部人煎販及

盜者所管官論贖三犯杖之能捕獲則免罪又濱州渤海縣永和

鎮去州遠恐藏盜及私鹽可改為永豐鎮與曹子山村各勑設巡

檢山東寶坻滄州鹽司判官乞陞為從七品用進士上命明安穆

昆杖者再議餘皆從之金史食貨志除耀州刺史入為吏部左司郎中

上謂宰臣曰孫卽康向爲省揀言語拙訥今才力大進非向時比

也宰臣因曰卽康年已高幸及早用之上問年幾何矣對曰五十

六歲上復問其才何如張萬公守貞對曰卽康過之金史列傳上曰視

萬公稍爲通耳乃遷御史中丞鞫問錡王永中事宏簡錄永中父子

皆死時論冤之金史列傳頃之遷泰甯軍節度使改知延安府事承安

五年上問司空襄今漢官誰可用者因舉卽康宏簡錄上乃復召爲

御史中丞泰和三年除參知政事明年進尙書右丞六年宋渝盟

有端大臣猶以小盜竊發不足恤卽康以爲必當用兵上以爲然

金史列傳復進左丞上問本朝太宗廟諱同音字有讀作成字者旣非

同音便不當缺點畫唐太宗諱世民偏傍犯如葉字作茱字氓字

作氓字今太祖諸子避睿宗廟諱名上皆加山爲崇字其下却有

本文卽康乃擬熙宗廟諱從面從且容宗廟諱上字依蘭亭帖示

作未字世宗廟諱從系顯宗廟諱如統傍之充正犯字形止書斜

畫沈字銳字各從口為兌悅自此不勝曲避矣與宋議和進官一

階在任無所救正宏簡錄舊制尙書令史考滿優調次任回降會崔

建昌已優調興平軍節度副使未回降即除大理司直詔知除郭

邦傑李蹊杖七十勒停左司員外郎高庭玉決四十解職即康待

罪有詔勿問金史列傳衛紹王即位進拜平章政事封崇國公時論病

其阿諛詭隨驟取相位以斗筭目之大安三年致仕卒遣使致祭

宏簡錄

劉頴字元矩金史列傳大興宛平人金史劉彥宗傳以大臣子孫充閤門祗候

調莘縣令召為承奉班都知遷西上閤門副使兼宮苑令金史山列傳

西上閤門副使遷閤門使泰和二年宋盱眙軍報明年賀正旦使

魯館楊明輝及過界副使乃王處久入見魯館上殿又不雙跪詔

頰就問詰問先報名銜楊明輝後改王處久故不及報館拜時並

雙跪因是有疾似單跪者宏簡錄二初南苑有唐舊碑書貞元十

年御史大夫劉忬葬上見之曰苑中不宜有墓頰家本忬後詔賜

頰錢三百貫改葬之三遷右宣徽使貞祐二年轉左宣徽使明年

致仕遷一官上曰卿舊人也今朝廷多故豈宜去位朕自東宮薨

後思慮不周俟稍甯息即以上郡處卿金史列傳頃乃起知開封再請

老未半歲復為御史中丞詔安撫河南路捕盜賊坐叢飲解職復

起為太子詹事遷太子少師宏簡錄詹事院欲闢廣東宮周牆頰請

於皇太子曰師旅饑饉之際何為興此役遂止尋卒金史列傳

完顏寔本姓李名二措中都寶坻人粗知書善騎射輕財好施得

鄉曲之譽貞祐初縣人共推為四鄉部頭招集離散糾合義兵眾

賴以安招撫司奏其事遷寔兩官與弟雲率眾數千巡邏固安永

清問遙授寶坻縣丞光義軍都統劉璋說霆使出降霆縛送經略

司遷三階攝寶坻令陞都提控遙授同知通州軍州事宏簡錄二百三十二

中都食盡霆遣軍分護清滄河路召募賈船通餉道遙授同知清

州防禦事從河北路宣撫使完顏仲元保清滄遙授通州刺史河

北東路行軍提控佩金牌金史列傳金牌舊制非宣撫副使不得佩蓋

特典也寶坻洪志仲元奏臣軍三萬管軍官三人皆至五品乞各賜金

牌金史列傳廷議霆輩忠勇絕人遂與之宏簡錄改大名路提控復取王

田三河香河三縣金史列傳副將孫江以滄州降於王檝將兵圍觀州

寶坻洪志霆乃詐作書與孫江約同取滄州者王檝得其書果疑孫江

與霆有謀召江還殺之霆乃定觀州而還進官三階充濱棣行軍

都提控未幾遙授同知益都府事知宣差都提控遷棣州防禦使

賜姓完顏氏屯海州俄權單州經略司事充宣差總領提控金史列傳

興定元年四月濟南泰安滕兗等州土寇竄起肆行剽掠

宏簡錄東

平行省侯摯遣霆率兵討之

金史列傳

招降石花五夏全餘黨二萬人

老幼五萬口充權海州經略副使紅襖賊于忙兒寇海州霆擊走

之二年宋高太尉兵二萬駐荆山霆軍乏糧采野菜麥苗雜食之

宋兵柵荆山下隔湖港霆就港中作暗橋遣萬戶胡仲珪副統劉

贊率死士由暗橋登山霆率兵四千人趨山下約以昏時舉火為

期上下夾擊宋兵大敗墜澗溺水死者不可勝計斬高太尉彭元

帥於陣餘眾潰去

宏簡錄

遷安化軍節度使經略副使如故以其子

為符寶典書四年改集慶軍節度使兼同知歸德府事五年改定

國軍節度使兼同知京兆府事擢其子為護衛

金史列傳

元光元年宣

宗立行省博索

原作白撒

奏京兆南山密邇宋境官民遷避其間者無

慮百萬人可遣官鎮撫庶幾不生他變十月霆以本官為安撫守

同知歸德府惟宏大司農丞郭皓為副使分護百姓之遷南山者

明年卒宏簡錄

李蹊字貫之大興人少擢第通吏事能官南渡為左司郎中遷吏

部侍郎為蒲察合住所陷下獄當死詔釋之後為大司徒正大初

拜參知政事進左右丞專掌財賦歸潛志六三月北兵迫南京上下震

恐歸潛志十一封荆王子額爾克為曹王議以為質命蹊送曹王出質

金哀宗紀時京師被圍數月倉廩空虛坐榷不給下獄已而免死除名

歸潛志十一久之起為工部尚書權知政事歸潛志六十二月丙子朔以事

勢危急甲申詔議親出以蹊權尚書左丞率軍扈從金宣宗紀河北憤

兵至歸德知府賈嘉紐勒歡原作石蓋女魯歡以軍眾食寡懼不能給請

於上令就糧徐宿陳三州惟留官努忠孝軍四百五十與馬用軍

七百人于府中官努既總兵柄私與國用安謀欲邀上幸海州紐

勒歡復沮之官努遂萌異心蹊言官努有反狀宏簡錄二百四十八戊辰官

努以忠孝軍為亂遂殺蹊金哀宗紀二年正月京城西面元帥崔立與

其黨韓鐸藥安國等降元蹊舊以取積聞其妻子皆被榜掠拷訊

死歸潛志十一

宋珪本名乞奴燕人也為內侍殿頭金史列傳與潘守恒素號知書識

大體南渡後規益甚多宏簡錄二百四十八宣宗嘗以元夕欲觀燈戲命乞

奴監作乞奴諱語云社稷棄之中都南京作燈戲有何看耶宣宗

微聞之杖之二十既而悔之有旨宣諭哀宗放鶴逸去勅近侍追

訪之市中一農民臂此鶴金史列傳百方求索不與易以物直乃得欲

送有司治罪宏簡錄乞奴從旁諫曰貴畜賤人豈可宣示四方哀宗

惡其大訐又杖之金史列傳尋亦悔賜物慰遣宏簡錄及哀宗至歸德馬

軍元師富察官努金史列傳以忠孝軍為亂殺尚書左丞李蹊參知政

事實嘉紐勒歡點檢圖克坦長樂從官已下三百餘人金哀宗紀

不得已以官努權參知政事金史列傳官努以上居照碧堂禁羣臣無

一人敢奏對者上曰悲位言曰自古無不亡之國不死之主但恨

朕不知用人致為此奴所囚耳遂與珪等謀誅官努金哀宗紀官努往

亳州珪與奉御烏克遜原作烏古孫愛實納喇原作蘭奇塔特原作乞答密定

謀計令裴滿抄合召進議事宏簡錄富察官努傳官努入見珪等即從旁殺

之及蔡城破金史列傳城中軍不能禦帝自縊于幽蘭軒金哀宗紀珪與完

顏色埒默焦春和皆從死金史列傳

元

王寶喇原作昔刺保定人初事世祖以其有勇略遂賜名寶喇巴圖原作

昔刺拔都從攻釣魚山及額埒布格累功賜金符授武衛親

軍千戶中統三年從征李璫於濟南屢捷四年春元帥阿珠駐兵

河南遣實喇將蒙古漢軍復立宿州至元六年賜虎符升海州萬

戶引兵攻鹽林山寨多所俘獲十年授東川行樞密院同僉十五

年征夔府有功十六年徙鎮萬州卒于軍元史子宏宿歲朝唐志七十一

宏先佩金符為左衛千戶及樞密院擬甯襲武職甯讓其兄宏於

是授宏中衛都指揮使佩父虎符而以甯代宏為千戶佩金符甯

從阿爾台哈達遜北征追擊托克托穆爾之軍於阿納爾圖原作

阿禿師還又從拜奇頁勒密寶原作別急等擊賊威喇斬首百餘級

復從和爾果斯北征有功升右衛新軍總管後改前衛都指揮使

司僉事子處恭襲宏職仕至侍御史元史列傳

明

楊善字思敬大興人歲朝唐志年十七為諸生明史不甚通經術

而性沉敏能為人策事弁州積藁成祖起兵預城守有勞授典儀

所引禮舍人永樂元年改鴻臚寺序班累進右寺丞仁宗即位擢

本寺卿明史列傳善偉風儀工舉止音吐如洪鐘每朝謁引進奏時上

目屬之而又重文翰與學士楊士奇楊榮善既家都城以積貯起

貲治居第郭外有園亭花木之屬諸公休沐有所宴賞則善家若

歸又時時饋遺名果餌不絕以是大得公卿聲聞而中貴人亦多

好之者弁州續纂八十七宣德六年被劾下獄褫冠帶踰月正統六年子

容詐作中官書假金於尚書吳中事覺謫戍威遠衛置善不問久

之擢禮部左侍郎仍視鴻臚事十四年八月扈駕北征明史列傳至土

木師潰弁州續纂八十七善間行得脫明史列傳達京師時已六十五矣足脈

不為倦弁州續纂八十七冬十月也先犯京師通鑑綱目三編七改左副都御史

與都督王通提督京城守備寇退進右都御史景泰元年廷臣朝

正舉循故事相賀於朝房明史列傳善獨流涕曰此何時也太上皇帝

何所而我曹稱賀耶眾愧爲之止八十五是年夏李實羅綺使

瓦刺議罷兵未還明史列傳會脫脫不花亦遣使皮兒馬黑麻請和明史

紀事本末三十二 廷臣皆言宜使往報太監興安出呼羣臣曰公等欲報

使孰爲富弼文天祥者通鑑輯覽善慨然請行人皆危善善曰上

皇在沙漠此爲臣者效命之秋也中書舍人趙榮亦請往乃遣善

榮及指揮王息干戶湯允勛同皮兒馬黑麻往道遇實實告以故

善曰得之矣即勅書所無可權以集事也實既還朝具述也先情

及上皇起居狀紀事本末三十三 廷議請更遣大臣帝曰楊善既去不必

更遣通鑑輯覽初尙書胡濙等言上皇蒙塵久御用服食宜付善

等隨行不報善奉使齎賜也先金帛外餘無他賜善乃出家財明史

列不足則貸之中賁人悉益市綺繡師比阿錫女紅線釵之類以

往明史既至館伴田氏亦中國人留飲帳中善與相得明史

列傳往明史既至館伴田氏亦中國人留飲帳中善與相得明史

說善曰土木之役六師何怯也善曰彼時官軍壯者悉南征王司
 禮邀大駕幸其里不為戰備故令汝得志耳今南征將士歸可二
 十萬又募中外材官技擊可三十萬悉教以神鎗火器藥弩中百
 步外洞人馬腹立死又用策士言緣邊要害隱鐵錐三尺馬蹄踐
 輒穿又刺客林立夜度營幕若猿狻伴色動善曰惜哉今皆置無
 用矣問何故曰和議成歡好且若兄弟安用此因以所齎遺之其
 人喜悉以語也先明日見也先又大有所遺也先亦喜明紀十五善因
 詰之曰太上皇帝朝太師遣貢使必三千人歲必再資金幣載途
 背盪見攻何也通鑑輯覽一百四也先曰奈何削我馬價予帛多翦裂前
 後使人往多不歸又減歲賜明史列傳善曰非削也太師馬歲增而不
 忍拒故微損之太師自度價比前孰多帛翦裂者通事為之即太
 師貢馬有劣弱貂或敝豈太師意耶且使者多至三四千人有為

盜或犯他法故自亡去留之何用貢使受宴賜朝廷核實與之所

減乃虛數耳通鑑綱目三編七也先又問市釜事善言此小民市易朝廷

豈知善因歷述累朝恩遇之厚不可忘且言天道好生今縱兵殺

掠上千天怒明史紀事本末三十三太師再攻我屠戮數十萬太師部曲死

傷亦不少矣今還上皇和好如故中國金幣日至不亦美乎通鑑綱目

三編七也先曰救書何以無奉迎語善曰此欲成太師令名使自為

之也先大喜明史列傳也先問上皇還更臨御否善言天位已定不得

再易也先問古堯舜如何善言堯讓位於舜今日兄讓位於弟也

先悅服明史紀事本末三十三其平章昂克問善何不以重寶來購善曰若

齋貨來人謂太師圖利今不爾乃見太師仁義為好男子垂史策

頌揚萬世也先笑稱善明紀十五伯顏帖木耳勸也先留善而遣使要

上皇復位也先懼失信不可明史列傳即日引善見上皇遂設宴餞上

皇行也先席地彈琵琶妻妾奉酒顧善曰都御史坐善不敢坐止皇曰太師著坐便坐善承旨坐即起周旋其間也先顧善曰有禮

明紀十五遂以輕騎奉太上皇與善歸弁州續藁八十七時舉朝競奇善功而

景帝以非初遣旨薄其賞遷左都御史明史列傳善始事王振後更事

曹吉祥等而與石亨比會景帝病善伺知亨吉祥有迎太上皇謀

遂與之合而發南宮劄太上皇即位論善功封奉天翊衛推誠宣

力武臣特進光祿大夫柱國興濟伯尋加號守正改文臣歲祿一

千二百石予誥券世世承襲弁州續藁八十七尚書胡濙頌迎駕功命兼

禮部尚書兼使瓦剌攜子四人行至是並得官又為從子養子乞

恩得官者復十數人明史列傳旬日之間恩賜赫奕所陳請無不允幾

與石亨張軻埒又嘗陰薦李賢入內閣而定襄伯郭登故有幾微

於上亟疏善使虜功請位之三公獲以身免於是亨吉祥忌之稍

稍間於上漸疏繼而明年善亦卒矣年七十五贈興濟侯諡忠敏

舟州續業善負才辨以巧取功名明史列傳而儉忤多岸谷其為序班

坐事下獄庶吉士章樸亦坐事下獄與相狎言家有方孝孺集時

方窮治孝孺黨善從借觀而密奏之上遂誅樸而復善官舟州類

七于謙王文之戮陳循之竄善亦有力焉子宗襲爵後革奪門功

降金吾指揮使孫增尚公主明史列傳

張敏永清人畿輔唐志宣德八年進士永清周志擢工部給事中畿輔

七十九年俸滿乞免外補正統十四年陞工部右侍郎敏為人粗

淺居官無建白但循默守職而已天順元年英宗復辟察其非卿

佐才遂令致仕二年卒遣官諭祭永清周志

殷謙字文搗涿州人畿輔唐志正統中進士授戶部主事歷兵部

郎中右通政出知太原府歷遷左布政使召拜右副都御史巡撫

宣府涿州陞戶部尙書進太子少保續唐志時西廠旗校以捕

妖言圖官賞多為廢書誘愚民而後捕之宛死相屬廷臣莫敢言

分守懷來中官廖禮與妖人趙大獄所收繫甚眾謙等具奏如禮

言獄成命官按之果妄帝始悟向所罪妖言多被誣者乃下詔責

禮等而諭諸法司慎鞠妖言之罪綱目三 編十四

周壽昌平人孝肅皇太后之弟父能贈慶雲侯壽嗣職明史憲宗

擢左府督都同知尋封慶雲伯綱目三 編十三初禁勦戚請乞莊田壽昌

禁乞通州田六十二頃帝不得已與之明紀嘗奉使道呂梁洪多

挾商艘主事謝敬不可壽與閩且劾之敬坐落職十七年進侯孝

宗立壽加太保時壽所賜莊田甚多其在寶坻者已五百頃又欲

得其餘七百餘頃詭言以私財相易劾其貪求無厭執不許孝

宗竟與之又與建昌侯張延齡爭田兩家奴相毆交章上聞又數

撓鹽法侵公家利有司厭苦之

明史帝之為太子也

明紀二紀太

后暴薨懼罹不測太后親育之

形史拾遺記憲宗太后傳

省視萬方

明紀二得

以無恙太后加以恩澤封者甚眾壽嗣慶雲侯

形史拾遺記

壽弟或封

長甯伯

綱目三編十二

亦加太保

明史

壽子璋瑾瓚瑛或子瑋瑑皆授錦

衣衛指揮千百戶

形史拾遺記

兄弟並為侯伯子弟同日授錦衣衛官

前此未有也武宗汰傳奉官壽子姪八人在汰中壽上章乞留從

之正德四年卒贈宣國公諡恭和子瑛嗣封殖過於父嘉靖中於

河西務設肆邀商貨虐市民虧國課為巡按御史所劾停祿三月

而瑛怙惡如故又為主事翁萬達所劾詔革其廩肆下家人於法

司時已革外戚世爵瑛卒遂不得嗣或太后仲弟也成化時累官

左府都督同知

明史

奏乞武強武邑民田不及額賦者籍為閒田

命刑部郎中彭韶御史季琮復勘韶等周視徑歸上疏自劾曰真

命刑部郎中彭韶御史季琮復勘韶等周視徑歸上疏自劾曰真

定田自祖宗時許民墾種卽爲恒產除租賦以勸力農功臣戚里
家與國咸休豈得與民爭尺寸地臣誠不忍奪小民衣食附益貴
戚請伏奉使無狀罪詔以田歸民明紀十八二十一年封長甯伯世襲

宏治中

明史列傳

外戚競營私利或與張鶴齡聚眾相鬪都下震駭九

月乙酉屠瀆借九卿言憲宗皇帝詔勸戚之家不得占據關津陂
澤設肆開廢侵奪民利違者許所在官司執法以聞陛下踐極亦
惟先帝之法是訓是遵而勸戚諸臣不能恪守先詔縱家人列肆
通衢邀截商貨都城內外所在有之觀永樂間榜例王公僕二十
人一品不過十二人今勸戚多者以百數大乖舊制其間多市井
無賴冒名罔利利歸羣小怨叢一身非計之得者邇者長甯伯周
或壽甯侯張鶴齡以瑣忿爭喧傳都邑失戚里之觀瞻損朝廷之
威重伏望綸旨戒諭俾各修舊好凡有店肆皆停止更敕都察院

揭榜禁戒擾商賈奪民利者聽巡城巡按御史及所在有司執治
仍考永樂間例裁定勛戚家人不得濫收帝從之

明紀二

十八年

進太保或求爲侯吏部言封例出自朝廷無請乞者乃止或尋卒

傅子瑋孫大經及曾孫世臣降授錦衣衛指揮同知

明史

列傳

而后有

長弟名吉祥者兒時好游游卽去其家爾時太后未入宮也久之

不歸至天順中爲僧大覺寺好游如故畫游他所夜卽宿報國寺

伽藍殿中太后亦忘之報國寺者都城宣武門外小寺也太后夜

夢伽藍神來告妃弟在我殿中宿妃知之乎其夜英宗夢亦如之

醒而相語初不信遣小黃門見吉祥坦腹卧伽藍殿中遂擁以行

入白太后太后時爲妃以告帝帝召入大喜具言生平太后泣下

曰弟爲僧如何爲皇親耶吉祥曰爲皇親何如爲僧乃遣還寺厚

賜之憲宗嗣位太后爲拓報國寺建大慈仁寺居之賜莊田數百

頃形史拾遺記其後周氏衰落而慈仁寺莊田久猶存明史列傳

鄧璋字禮方涿州人編目三成化中進士任推官遷御史歷

副都御史巡撫宣府涿州人編目三正德七年官河南巡撫時劉惠趙鏐連

陷鹿邑上蔡西平遂平舞陽葉縱掠南頓新蔡商水襄城復還駐

西平都督僉事馮禎副總兵時源忝將神周金輔方擊敗惠鏐於

西平璋以為賊不足患朝崇王於汝甯宴飲連日賊招散亡乃復

振綱目三編十八正德八年璋為南京刑部侍郎綱目三編十八注轉兵部侍郎

奉詔賑濟江南還遷都御史涿州人編目三正德九年璋總制甘肅綱目三編十九

注尋遷戶部尚書涿州人編目三

施純京師人體貌豐偉音吐洪亮詞語莊整班行中可觀成化末

上病舌澀朝臣讀奏答旨多以是字而尤弗便純官鴻臚卿請以

照例二字代之上喜擢為大宗伯時號兩字尚書其內子亦京師

人貌甚端雅一日同諸命婦朝兩宮內廷嬪御色亦鮮麗咸屬目焉太后命之前問夫人誰氏對曰妾禮部尙書施純妻也太后賜鈔諦視久之顧左右侍人曰向者東朝選妃何不及此人又顧謂

曰夫人向後不必更入朝也野紀

張禴字汝誠檉弟宏治乙卯舉人已未進士歷任刑部郎中正德

初權宦惡都御史強珍欲籍其家者禴執不可竟得謫戍奪禴俸

半年改查盤御史平谷朱志吏部尙書張綵性尤漁色聞平陽府知府

張恕霸州人妾美索之不得令禴擬致其罪擬戍恕獻妾始論滅綱目

三編擢太僕寺少卿陞僉都御史巡撫大同左遷泗州知州尋陞

陝西潼關副使轉左參政復陞僉都御史巡撫遼東卒於官平谷朱志

史道字克宏涿州人正德癸酉解元甲戌進士改庶吉士授兵科

給事中涿州吳志疏論谷大用江彬誤國止太監張佐封爵論救尙書

王瓊等死章數上多見嘉納後以論奏大學士楊廷和下詔獄謫

金縣丞畿輔府志七十一尋除河南僉事備兵副使累官至僉都御史吏

部推道總督漕運上特詔留用遷大理寺卿兼攝臺事適有以舊

怨街道者劾道會推後期罷未幾詔起道僉都御史涿州志巡撫大

同建五堡城廣耕成歲省漕輓費無算畿輔志遷兵部侍郎涿州志嘉

靖三十年通鑑輯覽一百九仇鸞驚怯畏寇密遣人持貨幣結諂達義子

托克托使貢馬互市諳達許之投書於宣大總督蘇祐蘇祐以聞

鸞與嚴嵩定議每歲春秋兩市令道領其事涿州志道徇諳達請以

粟豆易牛羊給事中何光裕御史龔愷等劾道委靡遷就馬市既

開復請封號今其表意在請乞而道以為謝恩况表文非出賊手

道不去則彼有無厭之求我無必戰之志誤國事不小帝方嚮仇

鸞賁光裕等借道論鸞以探朝廷杖光裕愷八十明紀三十四道尋進

兵部尚書加太子太保

幾輔唐志

趙錦字文卿良鄉人幼而好學蚤著文譽潛心理學正德丁丑進士授南京戶部主事司揚州鈔關鎔銅爲櫃竅而鑰之所入既多則銷以儲庫人不得而私焉又劾水竇於關梁之南小舟可徑出入得以免稅迄今便之陞署郎中調南京吏部稽勳司郎中入爲兵部武庫司郎中改武選司職方司郎中大同軍變戶部侍郎胡永年奉命往平之奏錦爲佐歸掌職方事凡將領之賢否邊塞之險平糧儲之充耗皆備訪而默識之有所施行無不允愜大司馬倚重焉由是趙郎中之名譁于人口繼爲大司馬疏言其專復出爲南京戶部河南司郎中陞温州知府山東按察使司副使山西右叅政浙江按察使擢右僉都御史巡撫延綏贊理軍務道旋丁艱服闋改大同有忌之者論其不可用蒙宰力稱其賢上竟用之

總帥周尙文者老將也不事培克得軍士心而果於自用性多偏

執錦以體國為念不憚屈已與之交歡然遇不可者必盡忠告周

以為怨錦慮且將誤事上疏求退罷歸儉約若寒素嘉靖庚戌再

起用楊維聰趙公墓志銘歷官兵部尙書良鄉志兵機政要閱歷有素事至立

決無壅滯者晨興入部日晏方歸不以寒暑少廢司屬敬服軍士

感悅以功廢一子錦衣衛百戶加太子少保墓志銘已未坐仇鸞黨

戍邊明紀三十四案墓志銘云公在甘肅大同與仇鸞同事入

龜山之於京其不幸亦猶是也卒年六十有九子二世官世祿良鄉志

李偉字世奇灤縣人神宗生母李太后父也明史列傳兒時戲里有

羽士過之驚語人曰偉哉兒他日必大貴父聞而喜遂名之曰偉

嘉靖中偉夢空中五色彩輦旌幢鼓吹導之下寢所通州高志已而生

太后避警攜家入京師居久之太后入裕邸生神宗隆慶改元立

皇太子授偉都督同知再進武清侯明史列傳太后賢明熟典故神宗

推恩外戚多異數太后懷盈滿之懼通州高志能約束其家偉嘗有過

太后召入宮切責之不以父故歇祖宗法以是偉益小心畏慎有

賢聲萬厯二十一年卒贈安國公諡莊簡明史列傳長子文全先授都

督父卒襲武清侯端方持己性儉素卒之日上輟朝賜葬如禮仲

子文貴授都督謙謹守禮以孝弟聞季子文進授御馬監太監亦

恪守禮度文全子銘誠襲伯爵性英敏學問該洽天啟末頌魏忠

賢功德建祠名鴻勛通州高志莊烈帝定逆案銘誠幸獲免久之大學

士薛國親請勅勛戚助軍餉時銘誠已卒子國瑞當嗣爵其庶兄

國臣與爭產明史列傳詭言父賢四十萬臣當得其半今請助國為軍

賢編三十八帝初不允至是詔借餉如國臣言明史列傳或教國瑞遷

賢無獻拆毀居第陳什器通衢鬻之示無所有帝怒奪國瑞爵國

瑞憐死

綱目三編 三十八

有司復繫其家國瑞女字嘉定伯周奎孫奎請

於莊烈后后曰但迎女秋毫無所取可也諸戚畹人人自危會皇

五子疾亟李太后憑而言帝懼悉還李氏產

明史列傳

封國瑞七歲兒

存善為侯

綱目三編 三十八

未幾國臣遂以事誅

明史列傳

冉興讓固安人

附中志 二十一

神宗愛女壽甯公主鄭貴妃所出者選與

讓尚之

野獲編 五

選駙馬時顧姓者二人冉姓者一人時正暑熱御前

親選之日兩顧白石大替極細亮帽髮可以鑑香氣襲人衣服楚

楚而冉衣不求鮮戴圓羅帽兢兢叩拜不敢仰視神宗隔簾向鄭

貴妃指而目之卒選中興讓實重其老成也及完婚數年

附中志 二十一

偶月夕公主宣駙馬入而管家嬖名梁盈女者方與所耦宦官趙

進朝酣飲不及稟白盈女大怒乘醉扶冉無算驅之令出以公主

勸解并詈及之公主悲忿不欲生次晨奔訴於母妃不知盈女已

先入府懇增飾諸穢語母妃怒甚拒不許謁再具疏入朝則昨夕

酣飲宦官已結其黨數十人羣猝冉於內廷衣服破壞血肉狼籍

狂走出長安門其儀從輿馬又先垂散冉蓬跣歸府第正欲再草

疏嚴旨已下詰責甚厲視其蟒玉送國學省愆三月不獲再奏公

主亦含忍獨還野獲編五崇禎時洛陽失守莊烈帝命典讓同太監王

裕民給事中葉高標往慰福世子於河北都城陷典讓死於賊明史

公主傳梁邦瑞京師富室子其人病瘵羸甚大璫馮保納其數萬之

賂首揆張江陵力持之慈聖太后亦為所惑萬厯十年野獲編五永甯

公主下嫁邦瑞明史公傳合巹鼻血雙下沾濕袍袂幾不成禮官監

尚稱喜以為挂紅吉兆甫匝月遂不起公主嫠居數年而歿野獲編五

方從哲字中涵其先德清人隸籍錦衣衛家京師從哲登萬厯十

一年進士授庶吉士屢遷國子祭酒請告家居久不出時頗稱其

恬雅中旨起吏部左侍郎爲給事中李成名所劾求罷不允四十年拜禮部尙書兼東閣大學士與吳道南竝命時道南在籍葉向高爲首輔政事多決於向高向高去國從哲遂獨相請召還舊輔沈鯉不允御史錢春劾其容悅從哲乞罷帝優旨慰留未幾道南至會張差梃擊事起刑部以瘋癲蔽獄王之案鉤得其情從哲偕道南斥之案言謬妄帝納之道南歸從哲復獨相性柔懦不能任大事時政有失亦上疏力言而從哲有內援以名爭而已竇將順帝意無所匡正丁巳京察盡斥東林且及林居者齊楚浙三黨鼎立務搏擊清流齊人元詩教從哲門生勢尤張從哲昵羣小而帝怠荒亦益甚四十六年四月

大清兵克撫順朝野震驚帝初頗憂懼章奏時下不數月泄泄如故從哲于世鴻殺人巡城御史劾之從哲乞罷不允長星見東南

長二丈廣尺餘十有九日而滅是日京師地震從哲言妖象怪徵層見疊出除臣奉職無狀痛自修省外望陛下大奮乾綱與天下更始朝士雜然笑之帝亦不省御史熊化以時事多艱佐理無效劾從哲乞用災異策免從哲懇求罷堅卧四十餘日閣中虛無人帝慰留再三乃起視事明年二月楊鎬四路出師大敗禮部主事夏嘉遇謂遼事之壞由從哲庇李維翰所致兩疏劾之從哲求罷帝優旨懇留乃復故未幾

大清兵連克開原鐵嶺廷臣於文華門拜疏立請批發又候旨思善門皆不報從哲乃叩首仁德門跪俟俞旨帝終不報帝素惡言官前此考選除授者率候命二三年及是候八年從哲請至數十疏竟不下帝自以海宇承平官不必備有意損之及遼左軍興又不欲矯前失行之如舊從哲獨秉國成卒無所匡救又用姚宗文

閱遼東薊經略熊廷弼去遼陽遂失論者謂明之亡神宗實基之
而從哲其罪首也四十八年帝崩光宗嗣位得疾時都下紛言中
官崔文昇進洩藥帝由此委頓給事中楊漣劾文昇并及從哲刑
部主事孫朝肅徐儀世御史鄭宗周竝上書從哲請保護聖體速
建儲貳從哲候安因言進藥宜慎帝褒答之甲戌復召諸臣諭冊
封事從哲等請速建儲貳帝顧皇長子曰卿等其輔爲堯舜又語
及壽宮從哲等以先帝山陵對帝自指曰朕壽宮也諸臣皆泣帝
復問有鴻臚官進藥者安在從哲曰鴻臚寺丞李可灼自云仙方
臣等未敢信帝命宣可灼至趣和藥進所謂紅丸者也帝服訖稱
忠臣者再諸臣出矣宮門外頃之中使傳上體平善日晡可灼出
言復進一丸從哲等問狀曰平善如前明日帝崩中外皆恨可灼
甚而從哲擬遺旨資可灼銀幣御史王安舜劾從哲輕薦狂醫又

賞之以自掩從哲擬太子令旨罰可灼俸一年御史鄭宗周劾文昇罪請下法司從哲擬令旨司禮察處及御史郭如楚馮三元焦源溥給事中魏應嘉太常卿曹珖光祿少卿高攀龍主事呂維祺先後上疏言可灼罪不容誅從哲庇之國法安在而給事中惠世揚直糾從哲十罪三可殺言從哲獨相七年妨賢病國罪一驕蹇無禮失誤哭臨罪二挺擊青宮庇護奸黨罪三恣行胸臆破壞絲綸罪四縱子殺人蔑視憲典罪五阻抑言官蔽壅耳目罪六陷城失律寬議撫臣罪七馬上催戰覆沒全師罪八徇私罔上鼎鉉貽羞罪九代營權稅蠹國殃民罪十貴妃求封后舉朝力爭從哲依違兩可當誅者一李選侍乃鄭氏私人抗凌聖母飲恨而沒從哲受劉遜李進忠所盜美珠欲封選侍爲貴妃又聽其久據乾清當誅者二崔文昇用洩藥傷損先帝諸臣論之從哲擬脫罪李可灼

進劫藥從哲擬賞資當誅者三疏入責世揚輕詆從哲累求去皆
慰留已而張潑袁化中王允成等連劾之皆不聽其冬給事中程
註復劾之從哲力求去疏六上乃歸天啟二年四月禮部尙書孫
慎行追論可灼進紅丸斥從哲爲弒逆從哲疏辨自請削官階投
四裔帝慰諭之時大學士熿述進藥始末爲從哲解於是吏部尙
書張問達會戶部尙書張應蛟合奏言進藥始末臣等共聞見輔
臣視皇考疾急迫倉皇弒逆二字何忍言但可灼非醫官且非知
脈知醫者以藥嘗試先帝龍馭卽上昇從哲與臣等九卿未能止
均有罪乃反資可灼及御史姜舜有言令養病去罰太輕何以慰
皇考服中外宜如從哲請削其官階爲法在咎至可灼罪不可勝
誅而文昇當皇考哀感傷寒時進大黃涼藥罪又在可灼上法皆
宜顯僂以洩公憤議上可灼遣戍謫文昇於南京而從哲不罪無

何慎行引疾去五年魏忠賢輯梃擊紅丸移宮三事爲三朝要典以傾正人遂免可灼成命文昇督漕運其黨徐大化請起從哲從哲不出然一時請誅從哲者貶殺略盡矣崇禎元年二月從哲卒

贈太傅諡文端

明史列傳

馮三元三河人萬厯末年官御史泰昌元年綱目三編三十一帝有疾服

李可灼紅丸而崩中外皆恨可灼甚而方從哲擬遺旨賚可灼銀

幣明史方從哲傳三元與御史郭如楚等綱目三編三十一先後上疏言可灼罪

不容誅從哲庇之國法安在方從哲傳又劾遼東經略熊廷弼無謀者

八欺君者三綱目三編三十一謂不罷遼必不保明史熊廷弼傳廷弼主守禦益

堅明紀四十九給事中姚宗文尚與廷弼同在言路意氣相得後以廷

弼不薦己已怨及出關過廷弼以其書生貌之比宗文還疏陳遼

土日蹙詆廷弼廢羣策而雄獨智復鼓其同類攻擊必欲去之廷

弼憤抗疏極辨且求罷而御史張修德明史熊廷弼傳給事中魏應嘉先

後劾廷弼破壞遼疆通鑑輯覽二百五十九廷弼益憤再疏自明三元應嘉

修德等復連章極論廷弼即請三人勘帝從之御史吳應奇給事

中楊連等力言不可乃改命兵科給事中朱童蒙往童蒙還奏備

陳廷弼功狀帝以廷弼力保危城仍議起用天啟元年明史熊廷弼傳

陽遼陽繼失通鑑輯覽一百十三河西軍民盡奔自塔山至閭陽二百餘里

煙火斷絕京師大震明史熊廷弼傳劉一燦曰使廷弼在當不至此帝乃

貶三元而召廷弼於家通鑑輯覽一百十三

張維號範吾霸州人嘉靖三十八年選入隸秉筆高忠名下幼博

學好書萬厯初陞乾清宮管事提督內忠勇營掌兵役局印秉筆

孫德秀張鯨諸人頗妬其才然維處之泰然神宗甚眷注之慈聖

太后遣有元帝金像特差維齋往湖廣武當山供安維善詩能文

且精於琴畫往返廉靜驛遞德之几詩賦翰牘人咸寶惜萬厯十
六年九月駕幸山陵闕壽宮回維股爲車轢傷連章求退不允著
於思善門外直房調治未瘳始准私家調理遂益哀法書秘籍書
不釋手夜自篝燈咿唔少倦仍默看至丙夜方寢雞甫鳴則復興
矣晚年兩目盲尙能寫行草聞有新書必買來令左右念聽者數
年至萬厯四十一年夏卒年八十著有皇華集歸來篇莫金山人
集蒼雪齋集等書酌中志略孫隆三河人萬厯中蘇杭等處提督
織造乾清宮近侍司禮監管監事太監宋詹事沈樞撰通鑑總類
二十卷分二百七十二門隆在朝嘗以是書進御神宗欲鏤之尙
方不果及出督織造乃鏤之吳中云潛研堂集金忠字敏恕固安
人萬厯六年選入厯陞文書房太監博學能書善琴自稱迂拙子
守備鳳陽時曾著御世仁風一書刻之酌中志

李壽京都人西涯苗裔也嘉靖四十一年選入歷陞司禮監監官
萬曆三十一年選福王妃時鄭貴妃引潞王例欲選三人而擇之
太監陳矩時總理婚典壽執往事爭曰潞王先選一位未中復選
二位雖三人其實二也如何敢比陳矩甚服其亮而密薦之後陞
隨堂而終神宗悼惜之酌中志略二十一

國朝

馬光遠順天大興人明建昌叅將

本朝天聰四年大兵克永平光遠率所部投誠授副都統隸漢軍
廂黃旗七年授一等子爵崇德二年授都統轄漢軍右翼三年我
軍攻錦州城旁一臺敵兵拒守光遠率叅領郎紹貞等圍之光遠
以離汛地敵乘間遁及覺又不追擊有
旨詰問光遠復以我兵不能抵敵致辯部議應革世職解任治罪

從寬罰鍰是年從

上攻松山未克歸旋追論攻松山時光遠等詭言礮子已盡今猶剩回玩誤軍機疲敝士馬法不容貸

詔集漢官於篤恭殿大學士范文程等宣諭數光遠等罪令在家閑居住光遠所轄叅將李士昌鑄礮于鎔鍊未淨不堪用下所司鞫訊復得光遠徇庇狀論死罰贖

上念其罪由無知特加寬宥六月起光遠爲都統轄漢軍兩黃旗順治四年以老病乞休從之康熙二年卒

賜祭葬如例諡誠順從子思文襲爵

武臣傳

馮銓涿州人萬厯四十一年進士改庶吉士授檢討

武臣傳

面玉唇

朱貌若好女性好潔行五步卽欲隨從彈足塵故僕役無小大成袖靴刷供應其父馮盛明曾以貌與駙馬選而遺得以陪駙馬生

員應試中萬厯己丑進士任山東副使談屑王叢三集河南左布政使初

被劾歸銓亦回籍天啟四年魏忠賢進香涿州銓進謁道左泣訴

父為東林黨陷害忠賢憐之起故官洊陞少詹事充講官副都御

史五年八月擢禮部侍郎兼東閣大學士入贊機務貳臣傳輔臣缺

詔推老成幹濟者禮部尚書周如磐以年老推用侍郎黃立極與

魏忠賢同鄉故援之熊廷弼之獄銓謀居多侍講筵出市刊遼東

傳譖于帝曰此廷弼所作希脫罪耳帝大怒于是廷弼死遂決銓

資淺年未及四十忠賢黨李魯生言成即為老而非老乎年幹乃

稱濟而即有濟于國銓遂柄用通鑑輯覽一百十三九月晉禮部尚書六年

充三朝要典總裁官四月晉少保兼太子太保戶部尚書武英殿

大學士時太監涂文輔為忠賢腹心人為之語曰內有涂文輔外

有馮振鷺振鷺者銓字也貳臣傳銓以媚事魏忠賢登宰輔素與崔

呈秀暱

通鑑輯覽一百十三

要典成榜東林黨人姓名示天下而於崔呈秀

無美辭忠賢心銜之會呈秀亦與銓交惡

貳臣傳

呈秀欲入閣

通鑑輯覽

一百十三其黨孫杰霍維華嗾職方郎中吳涪夫上疏力攻之御史盧

承欽復劾銓納賄居間數事遂罷職崇禎初忠賢伏罪給事中李

過知於贓罰庫得銓罷官後為忠賢上壽詩百韻劾銓與忠賢交

結狀論徒贖為民

本朝順治元年四月睿親王定京師以書徵銓聞命即至優予冠

服令以大學士原銜入內院佐理機務遂與大學士洪承疇請復

明初內閣票擬舊例二年三月定部院官制授宏文院大學士兼

禮部尚書

貳臣傳

先是給事中許作梅莊憲祖杜立德御史王守禮

桑芸李森先羅國士鄧應槐吳達等交章劾銓原係故明閣宦魏

忠賢黨羽其子源淮進賄于禮部侍郎孫之獬遂為伊標中軍請

將馮銓父子肆諸市朝

東華錄五

睿親王因論明季諸臣黨害無辜以

致明亡今科道各官仍蹈陋習申戒之寢其事三年四年兩充會

試考官六年充

太宗文皇帝實錄總裁官加少傅兼太子太保八年閏三月

諭曰馮銓先經御史吳達疏參便當引去乃隱忍居官七年以來

毫無建明著致仕去十年三月

諭吏部曰朕思馮銓原無顯過且博洽典故諳練政事朕方求賢

圖治特詔用以觀自新諭到之日卽速赴京銓旣至召對內院仍

授宏文院大學士十二年四月諭獎銓翼襄政務稱厥委任加少

師兼太子太師十三年

諭曰大學士馮銓齒長力衰難勝繁劇其加太保兼太子太師秘

書院大學士禮部尙書致仕銓疏請回籍允之十六年二月詔

仍以原銜兼中和殿大學士康熙十一年十一月卒

賜祭葬如例諡文敏乾隆中削源淮由侍衛官至總兵貳臣傳源濟

自有傳

孫承澤字北海大興人明崇禎四年進士官至刑科都給事中福

王時以承澤曾附流賊李自成貳臣傳偽職順慶防禦使甲申傳定

入從賊案

本朝順治元年五月起授吏科都給事中十一月遷太常寺少卿

提督四譯館事二年四月遷通政使司左通政八月遷太常寺卿

四年遷大理寺卿五年擢兵部右侍郎八月調吏部九年四月都

察院疏糾承澤兩耳失聰請勅革退因解侍郎任五月

上以承澤無罪

命如舊供職八月轉左侍郎兩遇

恩詔加太子太保都察院左都御史銜十年二月疏薦大學士陳名夏分理吏部尙書事

上覽奏謂閣臣曰朕見承澤此奏洞其隱微代為含愧彼意允其所請而用名夏則於彼有利否則又將使朕猜疑名夏也因以侍郎推舉閣臣有乖大體責令回奏承澤戰慄引罪自陳愚昧乞宥乃釋之先是正月承澤引疾乞休

上以其年力未衰不許三月再請乃許承澤既歸貳臣傳築退谷於

西山菴而好學畿輔唐志讀書日有程課著述滿家池北偶談十五於史

事多所論述而有明一代典故尤瞭如指掌畿輔唐志嘗與王士

禎言讀書當通經因言元人經學非後人所及蓋元時天下有書

院百二十各以山長主之教子弟以通經學經學既明然後得入

國學即如吳淵穎程普德輩其集人多不知明初人猶多經學皆

元遺逸且言生平學問以朱子爲宗池北偶談十五所著五經翼考正朱

子晚年定論諸書皆有功於正學至於精博古鑒一時圖書之富

比之宋田氏云畿輔唐志康熙十五年卒

賜祭葬如例貳臣傳

劉餘祐字五孺宛平人畿輔詩傳七明萬曆四十四年進士歷知嘉興

登封河內三縣行取遷刑部郎中出知平陽府累遷河南布政使

應天府尹兵部侍郎福王時以餘祐會降附流賊李自成定入從

賊案

本朝順治元年睿親王定京師餘祐投誠授原官六年加太子太

保七年初設六部漢尚書擢餘祐兵部尚書八年閏二月擢刑部

晉少保十月調戶部先是餘祐任刑部時興安鎮總兵任珍以疑

擅殺妻妾懼罪行賄已而事覺十年二月法司勘問得實餘祐革

職杖徒永不敘用尋死貳臣傳 著有燕香齋集八卷 四庫全書總目一百八十一

華陽吳祖椿校